

修訂日期: 2004/04/20 發行日期: 2006/2/15

發行單位: 中華電子佛典協會 (CBETA) <http://www.cbeta.org>

資料底本: 大正新脩大正藏經 Vol. 32, No. 1681

原始資料: 蕭鎮國大德提供, 維習安大德提供之高麗藏 CD 經文, 日本 SAT 組織提供, 北美某大德提供

No. 1681

佛吉祥德讚卷上

尊者寂友造

西天譯經三藏朝奉大夫試光祿卿傳法大師賜紫臣施護奉 詔譯

我今歸命佛世尊	稱讚最上諸功德
時語如語不誑語	實語法語如義語
正語寂語無我語	顯示第一義諦門
出現諸身普遍眼	善施光明常觀照
開諸有情智慧目	破彼所有癡暗冥
十力真實而出生	已到最上清涼地
四無所畏等具足	作大光明持燈炬
開發明焰布光照	施彼熾盛大明聚
發起堅固精進行	不減一切勝功德
釋迦師子大吼音	能說無縛正法者
世間八法不能染	最上清淨大悲者
梵王帝釋毘沙門	及餘天等咸恭敬
我佛常出妙巧語	甘美甚深復廣大
正真如理解脫音	復能了知一切語
廣大清淨如虛空	最上族氏王宮生
佛光明如日月光	天人阿脩羅供養
已得七覺支妙寶	建立最上法寶幢
愚癡暗翳悉開明	黃金光聚身照耀
人中最上人中尊	已斷貪恚癡等染
人中奔拏利迦華	人中諸妙蓮華等
清淨生死憂悲惱	無明憍慢悉已除
永塞鬪戰諍訟門	永斷相續諸染種
付授諸法不祕惜	摧我慢幢豎法幢
轉正法輪利眾生	壞生死輪息諸苦
奢摩他水湛然淨	如海流注深無底

已能枯竭愛源流
見者咸生忻悅心
能捨己身為眾生
色如真金初出焰
身光照耀淨復明
精進勤策以為腰
智慧通達為頂門
如來勇猛無畏尊
能摧魔力大象龍
安住勝妙忍辱樂
正智安立智堅牢
最上難得優曇華
如來聖尊值復難
如地能持諸種子
如來智慧亦復然
無垢無染本清淨
引導眾生彼岸行
三十二相悉具足
百福俱圓勝妙身
已於諸法得自在
智能遍諸境界中
已能調伏世間境
對治煩惱盡無餘
布施持戒及忍辱
諸波羅蜜悉已圓
佛是高勝功德山
自覺覺他覺行圓
無邊言說無邊德
佛一切智無上尊
歸命善作世間護
自智通達諸法門
先以自智見諸法
後覺眾生利亦然
真實了知諸梵行

是故充滿功德水
於一切處無所著
冤親二處悉平等
舌比蓮華廣清淨
熾盛如金亦如電
安住三摩地為頸
次第而表莊嚴相
一切廣遠悉通達
善說最上諸法語
已斷一切愛纏縛
智慧深廣無破智
具百千種勝功德
具足無邊功德法
安定寂靜復廣大
具足無邊功德法
沐浴身心調伏尊
宣說正法救世者
八十種好復莊嚴
廣大最上無等比
顯示清淨勝義門
智金剛破諸煩惱
發悟希望性已除
廣大辯才無障礙
精進禪定并智慧
阿私陀仙常供養
功德藏并功德海
聲聞十方而普震
辯才無盡亦無邊
歸命佛為大恩者
隨應諸法悉已聞
稽首最勝知法者
證得無上大菩提
稽首自他真覺者
無破無斷色力堅

具足清白復周圓
無忘失法已安住
佛心廣大量無邊
佛為最勝善調御
諸沙門中大沙門
佛已具修諸淨行
復為勝觀解脫尊
調伏寂靜近寂靜
得入第一義諦門
一切合掌作恭敬
堪為人天施福田
知法知義知時量
自他根性悉了知
三摩呬多諸根寂
戒禁具足妙無瑕
安住無滅三摩地
已無高下取捨心
如妙高山心安固
遍一切處智常隨
了知諸法無能勝
智愛善愛德無邊
最上威儀眾喜愛
辯才隨意破愚癡
名稱廣大復希有
世間智者隨問言
佛威儀相勝無比
普令世間喜愛生
迅疾言說無重復
美味具足妙言音
佛是人中大智者
世間異見悉不生
已息憂悲諸苦惱
輕浮動亂過不生
毀訾如來心不下

稽首淨修梵行者
勇猛堅固最勝尊
悉能照達苦樂性
復稱無上二足尊
稽首沙門無過者
能作世間大醫王
稽首導師大智慧
安住最上調伏心
稽首已到清涼地
應受人天最初供
歸命福生無上士
如實知自亦知他
了知此彼數取趣
諸行所作悉周圓
稽首大力三摩地
無患無動離諸危
結生相續悉永離
不退轉智悉能成
稽首無勝無滅智
佛是愛見善見尊
稽首愛憎平等者
具足美妙諸辯才
稽首宣暢正語者
遍三界中而普聞
佛皆善答無隱覆
見者咸生適悅心
稽首善施歡喜者
平等無等無差別
稽首語言無等等
復為最上人中仙
稽首遠離邪思覺
蠲除染法盡無餘
稽首永離諸過者
讚譽如來心不高

稱譏平等智安然
平坦高下及染淨
佛智無著亦無差
眾生惡語無義利
行諸施法攝世間
惡人惡語固觸燒
善言惡語等無差
黃金瑠璃真珠寶
如來已離貪愛心
如來已離三種慢
床敷臥具及諸珍
於利非利無喜恚
無憂無惱過不生
已能遠離諸燒惱
不說世間利養言
言說隨意復自在
言說純一淨無瑕
言說甘美而無著
言說決定離世間
已能遠離顛倒見
已離一切非語言
常行無諂無誑行
廣行愛敬實無虛
一切所作善成就
見者歡喜世間尊
歸命親說諸法教
正善了知出離門
無破高勝歸向法
乃至正妙廣宣揚
如來所說諸法語
不調伏聲悉已除
如來久修諸淨命
三處平等念住心
佛已斷除疑惑語

稽首不著於謗讚
苦法樂法與愛憎
稽首如來善語者
如來善覆無顯彰
稽首正真能語者
佛心無動而安然
稽首愛恚平等者
斯為世間最上珍
觀同草木土石等
其心安定而寂然
見來求者皆給施
輕慢亦生喜捨心
稽首智破邪法者
常說親近諸善人
亦無虛妄等言說
言說調寂離喜樂
稽首言說寂靜者
言說能伏一切魔
稽首已離諸無智
已離輕浮動亂緣
稽首善言攝化者
順行清淨真實心
稽首已度生死難
是為正法出生門
稽首歸命清淨土
隨宜無轉煩惱除
趣證菩提真實法
善啟世間寂淨門
天人世間利樂法
離諸愛欲染著聲
稽首善說法教者
心無動亂本安然
稽首能仁三不護
平等分位常所行

涅槃無異勝愛門
佛為最上勝道者
神通方便悉圓成
稽首歸依眾德圓
如來應供正等覺
世間解了無上士
佛世尊號普稱揚
如來無染無發悟
能滿眾生諸願求
示生清淨聖王種
悉能棄捨而出家
具足最上諸色力
世諸妙境悉棄捐
戒律清淨具無缺
大智大慧大聖尊
佛語正白復妙善
一切染法悉蠲除
說諸行語離纏縛
沙門婆羅門眾中
面相圓正離顰蹙
善來愛語攝眾生
所出語言皆具足
深語正語智語言
佛語無著無依止
所有言說悉無邊
巧美語言善辯才
廣啟眾生調伏門
佛是正法調伏士
無等法門調伏師
如來戒具足同等
解脫具足本同源
聖正吉祥大覺者
常於林野息眾緣
以不害相而說法

稽首廣大證入者
具足眾德天人尊
稽首已得諸自在
十號滿足無比等
明行具足善逝尊
調語丈夫天人師
是故我今伸讚禮
離胎藏生殊勝生
稽首善攝一切法
廣大富貴復尊高
稽首下心離高舉
端嚴相好見者忻
稽首清淨解脫者
如應能說即能行
稽首同事攝益者
斷除貪欲過不生
宣說正因正業語
常以柔軟愛言宣
如來語言常先勝
正順先導而安然
稽首正說攝諸過
無畏語業善稱揚
稽首如來息惡語
亦無違背諸語言
稽首能敷了義語
利樂悲愍諸眾生
稽首聖法性調伏
離塵諸法調伏尊
以無量法調伏者
定慧具足亦無差
解脫知見具無異
最上調伏同一門
隨意坐臥而安止
無綺語相而說法

無動轉相而說法
已斷輪迴相說法
無他苦相而說法
世間利益相說法
同異生相而說法
稽首無住相說法
若法若智實亦然
說法正白善分別
正道邪道悉顯彰
若善不善悉分別
功德已圓過已除
能以善法破惡趣
世間生滅真實知
如來真實最上教
善趣惡趣悉了知
了知縛脫本來性
邪正染淨悉能知
已能具足最上善
救拔一切惡趣中
稽首天仙最上士
不生適悅喜愛心
自身廣大諸色相
三界最勝應供尊

示出離相而說法
可愛涅槃相說法
善自性相而說法
離邪見相而說法
不轉相續相說法
照明真實義真實
說明了義破疑惑
平等高下普言宣
利非利事皆善了
通達正教邪教門
稽首自他能度者
樂中非樂方便說
善說最勝諸法寶
三界所作能成就
善惡事中智無倒
而能善說縛脫門
善不善義皆明了
具善行者普稱揚
如來悲為一味藥
不著甚深禪定樂
誓度愚迷貪欲海
畢竟圓滿可稱揚
我今歸命不可議

佛吉祥德讚卷上

佛吉祥德讚卷中

尊者寂友造

西天譯經三藏朝奉大夫試光祿卿傳法大師賜紫臣施護奉 詔譯

歸命如來勝妙相	足下平滿善安住
千輻輪文現足心	輞轂眾相皆圓滿
如兜羅綿手足軟	鞞網光現手足間
手足諸指妙纖長	足跟圓滿趺相稱
足趺修高復充滿	踰如伊泥邪鹿王
雙臂修圓摩膝輪	陰相藏密猶龍馬
髮毛端潤皆上靡	一一身毛悉右旋
身皮細滑垢不侵	身真金色光晃耀
手足頸肩七處滿	項及膊腋悉充圓
容儀敦肅妙端嚴	身相修廣復備直
如諾瞿陀身圓滿	上半身如師子王
常光面向各一尋	四十齒平不疎缺
四牙鮮白妙鋒利	常得味中最上味
舌相薄淨廣復長	梵音深妙猶天鼓
音聲聞者皆悅意	復如迦陵頻伽聲
眼睫齊整狀牛王	眼睛皎潔紺青色
眉間柔軟妙毫相	右旋清淨如螺白
烏瑟膩沙頂莊嚴	稽首大丈夫相具
歸命如來隨形好	指爪狹長如赤銅
手足指圓悉纖長	手足諸指皆次第
筋脈盤結復深隱	兩踝俱隱而不龜
充滿柔軟足安平	迴顧右旋鹿王等
行步直進如象王	明顯端嚴無障礙
自在次序狀鵝王	舉身隨轉步安審
身分次第而高顯	平等隨轉身不曲
善相屬著堅固身	身淨光明離翳暗
身支安定不掉動	端直身相善圓滿
妙童子相清淨身	柔軟妙好悉無比
腹形方正無欠缺	不[穴/爪]不凸廣復圓
右旋深厚妙臍輪	淨無點竅無減下

身支近觸離諸過
譬如蓮華垢不侵
面輪圓滿皎清淨
舌相廣長如赤銅
脣色光潤而可愛
水雲擊響等音聲
音聲深遠復美妙
手軟猶如兜羅綿
四牙鋒利妙堅固
諸齒方整鮮白齊
眼睫稠密而不白
耳輪長廣厚復圓
額廣平正相殊妙
首髮稠密整復長
乃至廣及佛胸臆
螺髻紺青妙莊嚴
歸命處非處智力
禪定解脫等持門
種種信解悉通達
他心種類了無差
照明一切生滅法
如是十力智周圓
如來漏盡無餘染
故稱正等正覺尊
一切染法平等說
一切覺了盡無餘
佛具不壞正智慧
正智破諸邪智心
自境界及他境界
於彼一切根義中
相中無餘相所緣
無生重擔久已除
二種無智癡暗離
復離二種疑求心

悉無罣點疣贅等
亦復離諸不寂靜
身相具足而無減
柔軟復如蓮華葉
如頻婆菓及赤銅
復如象王大震吼
一切聞者咸悅意
手文深明而不斷
最上清淨復齊平
眼相修廣如蓮葉
眉潤不白復修長
身毛一一皆潤澤
上半身分悉充圓
紺青旋轉而光潤
俱有喜旋德相文
稽首不可見頂相
過現未來業皆知
了別自他諸根性
種種界趣亦悉知
宿住隨念智具足
諸漏已盡漏無餘
稽首如來大精進
覺了諸法亦無餘
我今稽首伸敬禮
諸出離道亦善宣
稽首能仁初覺者
普盡無餘現覺尊
佛真覺已無餘覺
一切境界所作成
佛是無能勝根者
非色種現皆悉斷
已徹緣生河流底
發生二種智光明
建立二種決定智

已得盡智世間句
具足勝依寂止門
具足一切所應行
具足種姓及語言
身語意業悉不護
決定不退轉智門
種種因門皆覺了
種種煩惱及對治
無二言說無盡辯
世間八法不染心
佛三阿僧祇劫中
運大悲心而普覆
了知三苦極微細
三界所緣諸性中
如來智性中平等
悲心廣大不可量
佛為眾生說一藥
畢竟極苦亦蠲除
純一真實決定行
決定不復染法生
不以己利求於他
隨宜方便悲愍心
眾生所應調伏時
為眾生作不請友
能仁善說妙法藥
照明眾生過現身
斷除眾生煩惱病
隨其何病藥堪除
如來所行一切行
若一若多出現門
如來功滿已能到
知道識道說道尊
拯拔一切輪迴苦
普令得渡煩惱流

智障已離法圓明
具足勝處善安住
明行具足色相圓
獲神通果善救度
無著無盡智凝然
智說不壞因時相
種種果門亦悉知
稽首如來善覺者
善說不退轉法者
稽首善達功德岸
積集難行一切行
自他能渡煩惱流
由愍苦故起大悲
大悲普及一切處
若冤若親而等觀
普攝一切眾生類
身病心病普令安
稽首善說妙藥者
決定純善無染尊
一向為他善長養
自所得樂悉棄捨
決定調伏眾生病
如來善知而無失
普令得度起悲心
治彼生法苦根源
了知煩惱無邊性
佛知時量悉無差
世尊如應為說藥
修習如理悉周圓
和合了知皆無礙
一切智智清涼地
勝道眾道歸向者
令諸眾生離纏縛
堅固慚愧具足者

能善建立聖法幢
開示盡滅離貪門
能善表示諸法者
能作利益大導師
常說示教利喜語
最上清淨大梵尊
已息種姓諸言論
世間人事語亦亡
如來行步常寂靜
順善而行見者忻
如來不壞正知見
成諸福事斷疑根
出必顯明眾所覩
勝妙殊特眾吉祥
能善了知五蘊法
已能摧滅我慢心
如來已得無動法
善能成就七聖財
佛大丈夫所應讚
遠離一切不吉祥
梵行真實善安立
常以無畏施眾生
歸命佛大阿羅漢
所作已辦德圓明
遠得己所作義利
安住正智解脫心
已證無言解脫理
心無忘失解脫圓
佛心無量復廣大
心得離繫煩惱除
盡諸染業得清淨
人中最勝解脫尊
於諸善法不放逸
善開寂眼視眾生

表示諸行無常法
顯示寂滅出離道
能以諸法教授尊
稽首善施歡喜者
具大威德大神通
稽首自在復熾盛
復斷族氏諸語言
稽首常說正法語
無闊無狹平正行
表示如來善行相
具足如先所作性
離分衛心入聚落
無依無轉最上尊
純一具足梵行者
復能具足七法行
稽首能破愚癡網
復能具足深廣心
稽首善學三學者
邪異諸境不能怖
稽首已到調伏地
上下縱廣悉歸依
稽首於法離取著
一切漏盡無染尊
稽首已除諸重擔
盡諸有結障蠲除
稽首出離解脫者
愛盡取盡而解脫
稽首無顛倒心者
無別異法善修心
稽首已破諸異類
已證無餘依涅槃
戰死魔軍而得勝
善住正念正智慧
稽首善救生死苦

善覺眾生無明睡
佛勤勇起精進心
諸不善中施善法
諸怖畏中施無畏
諸暗冥中作明照
諸過失中功德生
令違逆者知恩德
呪明成就真實修
佛已遠離諸誑妄
尊勝顯示吉祥門
一剎中生一切行
畢竟成就最上門
一切疑惑及雜說
諸吉祥行平等修
已能攝伏諸他語
燒諸煩惱義亦然
具諸吉祥具慚愧
釋迦牟尼大導師
離諸煩惱癡黑暗
常於利他攝益中
佛於一切眾生類
佛以大智常觀察
具足六通調伏智
一切對治勝神通
說法最勝神通具
一切文義善解圓
佛已具足如說辯
一切功德解脫周
聞佛音者心歡喜
不墮一切言說中
平等先證最初道
眾生大擔負堪任
已圓大慈等功德
以正智慧攝眾生

善破眾生諸愚癡
策發一切懈怠者
諸墮學中開學門
不安隱者令安隱
諸不善中令修善
諸罪業中除罪業
能滿眾生意所求
稽首能破煩惱者
心無躁動不高舉
稽首佛為福生處
不共一切神通種
一切處離非句義
決定正語悉能破
善知一切眾生意
猶如猛火焚乾薪
稽首安住正士法
世間主宰勝寂默
盡礙囉娑瞿曇族
悲愍普攝諸眾生
具足廣多諸勝行
一切增上所行中
普集世間利益事
德智說智及時智
界趣勝解業障智
三調伏時善開化
稽首辯才無盡智
善滿諸行到彼岸
顯示勝身心清淨
佛自所行悉周圓
不取自分功德相
次集大行不遺餘
於諸相中得寂靜
未嘗遠離於捨行
於長夜中遍觀察

如來常發大勇悍
復於一切眾生中
佛是悲愍世間者
如來三眼已圓明
如來已具三不護
四念處行廣通達
巧妙無盡隨意辯
種類語言善解知
諸違背中作順向
於諸慢中發敬心
所行正真復最上
清淨一切言說門
出善來語如義語
如來一切功德圓
最上攝益勝調御
悲心堅固欲利他
佛與眾生有恩德
如父如母能出生
佛為眾生親教師
最上句義如理宣
如來常以無著說
大悲不斷相續生

以諸善行教眾生
已得悲心善平等
第一義諦善解了
三種稱讚善具足
顯示三界無垢尊
名句文身自在者
一切說示智悉通
隨處辯才悉無礙
諸恚怒中作清淨
棄捨一切利養事
以自力能現證尊
稽首語言無執著
具足一切正所行
稽首無忘失法者
歡喜悲愍諸眾生
稽首常欲利樂者
常為善友及知識
欲令眾生得善樂
善說勝義諸法教
使令了知一切性
無增無減善稱揚
稽首善見處非處

佛吉祥德讚卷中

佛吉祥德讚卷下

尊者寂友造

歸命作大師子吼
於一切性如實知
善化眾生時無間
最先破彼無明卵
覺了眾生大正士
於無我理已覺明
覺了一切界分量
於諸苦法如實知
善能覺悟無憍惱
破諸惡見智開明
覺了三界出離相
身無疲倦執相工
畢竟方便善攝益
善哉釋迦牟尼尊
最上說者寂默者
善攝眾生諸意樂
具足一種稱讚者
六和敬法善宣揚
安立甚深正知見
善法中無放逸心
覺了甚深正道者
於彼無尋無伺道
總聚智者所知境
顯示二種涅槃界
眾生長夜起虛妄
眾生沒在生死泥
眾生墮在惡趣者
諸眾生起生等怖
自具廣大威神力
內藏心寶妙圓明
佛不為他所攝伏
出生一切善行門
無勝知見遍一切
宣說無邊諸法門
隨覺一切諸法者
覺悟微妙諸法尊
善覺諸業自性者
了知生滅本來性
善悟真實自性者
世間自性悉覺知
覺了一切因果者
故復修諸極難行
然於小法不厭離
宣說中道諸法門
頂禮歸命應供者
最上最勝我大師
於諸事相悉不取
善能成就四攝法
六常行行已圓滿
得諸等持寂靜善
已證先佛所成道
開發甚深智光明
稽首如來證悟者
微細甚深悉覺知
盡證一切涅槃道
佛方便說無妄法
佛為垂手善接度
佛方便力為拯拔
佛為引示無畏處
身現一切色相寶
宣說無比正法寶
一切無能違佛者

安住一切歡喜門
無上沙門正真行
普集梵行盡無餘
雖明世間圍陀典
洗滌一切諸罪垢
善能成就持明法
導師開示善樂門
常離一切諸暗冥
畢竟無染清淨尊
能於自身觀空性
於諸欲境離想心
心住寂靜諸事業
最上寂靜大牟尼
出世功德已廣大
世間妄境悉能觀
愛繩已斷神通具
破彼一切依著心
如來已離諸過失
一切無利惡法除
佛與眾生為善友
安住念慧諸性中
佛於義無義自性
生死此岸怖已除
佛善依止正道行
諸清淨中佛最尊
世間所有耽欲味
智慧稱讚涅槃門
無染見及無染思
無染命與無染勤
解脫無染智無染
一切結縛悉斷除
如來梵行所出生
一切所作寂靜尊
已能斷除五分結

佛一切相皆圓滿
如蓮華開智清淨
稽首梵行已立者
不壞一切聖法教
獲得第一增上法
能善引示寂靜處
輪迴曠野為善導
開熙怡眼常觀視
罪福無動行解脫
愛見已盡善無染
離染煩惱及分別
默然法中得解脫
一切清淨無染者
善布世間大明照
圓滿真實諸法想
善發智慧大光明
於諸意樂皆寂靜
所應敬禮及供養
一切利益相應者
無足二足第一者
善具無忘失法者
和合依止而不著
能證涅槃彼岸樂
聽聞無謬心無減
廣大色相慧光照
佛智久已善出離
稽首如來決定說
無染語并無染業
無染念兼無染定
於戒定慧善安住
破諸煩惱顛倒處
已住最上清涼地
不著世間敬愛事
復能具足六分法

起一平等護念心
純一真實無別異
無倒思惟真正心
心善解脫慧解脫
如來最上勝丈夫
稽首勝大阿羅漢
出過名相分位門
善見心能息欲焰
於諸欲染離含藏
善修七種觀想法
一切已能勝伏他
離癡斷染勝中勝
具善智慧微妙心
無疑離染常喜足
大沙門事作已成
佛為摩耨惹中勝
應得已得諸說門
正念勝觀一切覺
已得寂靜無所為
無量甚深住寂默
如其法律妙威儀
諸行妙圓語善說
言無戲論住正真
如來尊勝復自在
所向正順復善觀
一切清淨清淨者
成熟功德香充滿
佛是最上大仙王
淨行已圓諂已除
身心清淨復輕安
寂慧廣慧大慧尊
補特伽羅中無勝
句身通達已無疑
教化調伏中最上

四依成就而無缺
平等棄捨世所愛
已得一切輕安者
純一梵行善安立
是故歸命廣稱讚
離名離相離分位
名相分位皆寂靜
欲境貪愛染皆除
及離一切欲過失
善說菩提分法門
佛是勇猛無畏者
戒力增上無罪者
內攝種種功德行
已息世間諸妄源
稽首真實歡喜者
已於其身善觀察
稽首如來無比喻
不為他伏能伏他
稽首牛王勝上者
正智常行安樂行
稽首身嚴心寂靜
身現頭陀難行相
稽首離貪正命士
猶如帝釋天中勝
語言謙下而和美
善愛無著廣清淨
稽首已到最上處
廣積功德滿無減
稽首正智光明聚
已息一切諸冤對
塞忿恚源常歡喜
不可稱量離諸著
稽首能仁善解者
無上可愛作光明

無求無慢無愛著 稽首無誑清淨者
已離暗翳無所染 補特伽羅中最上
已得善寂大名稱 稽首無著無纏縛
迷惑耽著久已離 無我取相我見除
初中後善法宣揚 善文善義皆圓滿
眾生處苦無疲懈 佛方便故令休息
眾生不趣出離門 佛方便故令出離
如來不住於滅法 常行救度攝世間
復於廣大正法門 稽首大智悉包攝
已息邪妄諸分別 善離一切尋求道
催諸惡法號勝人 離七種染圓梵行
如空欲泥不能染 清淨常依止梵行
雖除染法了性空 出過語言心無著
佛常安住身念性 佛心已過於二邊
正智深密勇力尊 吉祥門中善身者
稽首大悲不思議 一切所作自通力
他劣弱者助營修 他善美者必隨順
佛是金剛堅固身 從真實處所出生
安住一切相應門 得大涅槃最上樂
如來已得最上利 棄捨自樂而不著
引示世間安隱處 廣為眾生說正道

歸命大覺尊 現證正覺道
不修梵行者 佛善為建立
佛是知道者 識道說道者
佛為正道尊 諸道所歸向
佛從照明生 復是智生者
義生及法生 善說明了義
諸義出離者 人中大師子
人中大象龍 人中大仙王
人中正知者 人中智勇尊
人中勝無比 人中極最上
人中殊妙士 人中白蓮華
無怖及無驚 無怯亦無懼
佛是離怖者 無畏無奔競

怖畏險難除
自出過怖境
自斷滅怖難
自渡怖難海
離身毛喜豎
佛勝無比等
功德不可稱
復不可取像
勝補特伽羅
佛是自然智
廣利諸眾生
諸天人世間
佛是最上尊
佛寶甚希有
遇佛寶出生
佛是廣大眼
大曜大明照
無暗大熾明
根力覺道圓
若無利益事
無利不現化
佛為諸群品
悲愍諸世間
於諸天人中
以正道法律
復一切眾中
咸起敬愛心
佛是所親近
頂禮見真如
佛慧眼光明
開發慧焰明
燃慧燈普耀
一切性自性
如來勝慧根

斷滅諸怖難
復令他亦出
復令他亦斷
復令他亦渡
離身毛悚立
亦復無等等
已過於稱量
亦無各別分
唯一而無二
而無同等者
稽首一切智
梵魔沙門中
復為無勝者
而亦復難得
實希有難得
復為大光明
大燈大光炬
已得最上法
不與聲聞共
如來即不生
無利亦不隱
利益故出生
作諸利樂事
佛是正見者
普教示一切
佛為所愛尊
作尊重觀想
及隨從恭敬
吉祥最上寶
復從慧眼生
持廣大慧炬
大慧破諸暗
如來悉照了
微妙復最上

如來大慧力
積無盡慧財
持快利慧刀
秉鋒利慧劍
佛善開正慧
廣慧為宮殿
堅固慧為牆
不思議正慧
無屈伏勝尊
不為他所伏
而於三界中
一切現觀察
所應知已知
所應得已得
已事悉周圓
佛是大聖者
已安立清淨
現證最上道
獲得取上句
拔除愛網根
善行無別異
善生及善體
善本所從來
無動不思議
諂曲過染除
相應行解脫
已得無取心
已盡過失邊
已斷一切障
所有邪妄言
邪念邪作事
蘊處界諸法
依止淨無縛
無救者為救

而不可屈伏
具無價慧寶
執勝慧器仗
慧無墮無減
覺了一切法
正智者安處
周匝而密護
為階梯進趣
無異心安住
亦伏無所取
所應供養者
一切無所著
所應離已離
勝所作已作
為世間教授
精進未曾有
希有廣大行
希有難思法
飲涅槃甘露
絕諸過失本
無染法能著
勝善而出家
稽首善來者
智者智中尊
已渡煩惱海
解脫諸纏縛
已盡一切漏
已破一切毒
盡燒諸見網
及邪妄見聞
佛一切已離
隨廣略善說
諸依止中勝
無歸者作歸

諸無趣向者 佛為作趣向
已渡生死海 遍入諸境界
所應現化處 一切皆能到
諸墮惡趣者 佛常知常思
即以善方便 而普為救度
無貪及無瞋 無癡善根具
大身常住身 悲愍利益者
身被釋種服 廣作吉祥事
希有精進力 大智正識者
戒忍法真實 內心常精進
廣大復甚深 具足諸功德
光明大照耀 調伏心潔白
猶湛水澄清 善種現圓滿
世間清淨眼 青優鉢羅華
廣大而殊妙 周遍十方界
寂止性潤澤 一切智妙月
佛德廣無邊 是故我稱讚

佛吉祥德讚卷下